

Bosna i Hercegovina
Federacija Bosne i Hercegovine
ZENIČKO-DOBOJSKI KANTON
OPĆINA MAGLAJ
OPĆINSKI NAČELNIK



Bosnia and Herzegovina
Federation of Bosnia and Herzegovina
ZENICA – DOBOJ CANTON
MAGLAJ MUNICIPALITY
MAYOR

Privredni savjet Općine Maglaj

Maglaj, 16.03.2018. godine

ZAPISNIK

sa sjednice Privrednog savjeta Općine Maglaj, održane u petak, 09.03.2018.
godine u sali Općinskog vijeća sa početkom u 13:30 sati

PRISUTNI:

1. Mirsad Mahmutagić, Općinski načelnik (predsjednik PS)
2. Senada Alibajraktarević
3. Ferhat Bradarić
4. Nermin Bešlagić
5. Mehmed Bradarić
6. Braco Bradarić
7. Abdulkadir Bradarić
8. Nermin Čatić
9. Emina Hasanić
10. Sebastijan Zamboni
11. Amir Alibajraktarević
12. Saša Stanić
13. Saša Mrehić

Zapisničar, Arnela Tumbić

Dnevni red:

1. Program rada Privrednog savjeta općine Maglaj za 2018. godinu,
2. Anketa zadovoljstva privrednih subjekata javnim sektorom,
3. Plan nastupa na sajmovima, plan informisanja i edukacija
4. Razno – prijedlozi i sugestije, tekuća problematika

Usvojeno jednoglasno

AD – 1

Predsjednik Privrednog savjeta općine Maglaj, Mirsad Mahmutagić na samom početku istakao je da ne krije zadovoljstvo za niz napravljenih koraka i da je zadovoljan dosadašnjim radom Privrednog savjeta. Nakon iščitanog Dnevnog reda, otvorio je raspravu po tački 1.

Nermin Bešlagić je predstavio prijedlog Programa rada za 2018. godinu, te detaljno obrazložio isti sa dodatnim pojašnjenjima.

Amir Alibajraktarević ističe da trebaju biti efikasniji i više prisutni u javnosti, te da pronađu neki fleksibilan sistem rada. Također, smatra da trebaju imati vlastitu kancelariju, mjesto gdje će se okupljati i raditi konstruktivne stvari.

Predsjednik Privrednog savjeta Mirsad Mahmutagić naglasio je da u tom pogledu Privredni savjet ima podršku i da će se naći rješenje.

Sebastian Zamboni smatra da bi bilo dobro da se Program rada stavi u određeni vremenski period, to jeste da se uz određene aktivnosti naglasi kada se šta realizuje i tačni rokovi realizacije.

Emina Hasanić ističe da bi bilo korisno u programu naglasiti edukacije za članove Savjeta, koji će prisustvovati edukacije i seminare, te znanja da prenose na ostale.

Nakon zaključenja rasprave pristupilo se glasanju, te je jednoglasno usvojen Program rada Privrednog savjeta Općine Maglaj za 2018. godinu.

AD – 2

U okviru 2. Tačke dnevnog reda - Anketa zadovoljstva privrednih subjekata javnim sektorom, Mirsad Mahmutagić predstavio anketu i način na koji je urađena, a Nermin Bešlagić detaljno prezentirao rezultate ankete, te istakao da će se anketa nastaviti kontinuirano ponavljati svake godine, zbog upoređivanja trenutnog i prethodnog stanja odnosno praćenja trendova zadovoljstva i ambijenta za privređivanje.

Mehmed Bradarić istakao je da je zadovoljan rezultatima ankete, te da je jako korisna zbog daljnjeg djelovanja u lokalnoj zajednici.

Niz daljih diskusija kretao se takođe u iskazivanju zadovoljstva uvođenjem novog alata za praćenje trendova stanja u pružanju usluga i dali punu podršku nastavku ovakve prakse.

AD – 3

U okviru 3. Tačke dnevnog reda, Plan nastupa na sajmovima, plan informisanja i edukacija, Mirsad Mahmutagić podsjeća na značaj dobrog informisanja privrednika, upoznavanja sa aktuelnim procesima, novim zakonskim rješenjima, kontinuiranim edukacijama, te naglašava da je važno predstavljanje I promocija maglajske privrede dalje od lokalne zajednice, te da u proteklom periodu nije bio baš iskazan interes za isto.

Nermin Bešliagić istakao je da su u početku, sajmovi u okruženju idealna prilika da se, istakne ono najbolje iz Maglaja te pozvao prisutne privrednika, članove Privrednog savjeta, da animiraju privrednike i organizovano pristupe, uz punu podršku Općine Maglaj, pripremi nastupa na nekom od sajmovu u najskorije vrijeme.

Emina Hasanić smatra da je najbolji način za promociju upravo sajmovi koji su najposjećeniji, a da je ona već imala iskustva s tim prethodnih godina kada je predstavljala firmu Bontex.

Mirsad Mahmutagić zaključio raspravu i dao na glasanje

ZAKLJUČAK

Privredni savjet Općine Maglaj obavezuje se da će u narednom periodu, u sveukupnom, zajedničkom interesu, raditi na promociji privrednih potencijala općine Maglaja, učestvujući u sajmovima u okruženju i široj regiji.

AD - 4

4. tačka dnevnog reda - Razno – prijedlozi i sugestije, tekuća problematika bila je prilika da se informiše o različitim aktuelnostima odnosno da se iniciraju određene aktivnosti koje mogu ostvariti napredak i doprinosti poboljšanju ambijenta za privređivanje.

Na samom početku diskusija, Mirsad Mahmutagić, Općinski načelnik je prisutnima prezentirao planu kapitalnih ulaganja za 2018. godinu u infrastrukturu, vodosnabdjevanje, odvodnju, uređenje poslovnih zona i dr. te detaljno predstavio konkretne projekte koji su planirani odnosno izvjesni za realizaciju u 2018. godini.

Istakao je važnost opredjeljenja mišljenja o poslovnoj zoni Misurići i radovima koji su trenutno u završnoj fazi.

Preovladalo je mišljenje da je izgrađena infrastruktura u poslovnoj zoni Misurići zadovoljavajuća za ovaj trenutak i najavljene investicije u zoni, te se predlaže prioritet u izgradnji saobraćajnica u poslovnoj zoni Liješnica, čime bi se aktivirao značajan broj novih parcela za igradnju i iste učinile atraktivnim potencijalnim investitorima.

Više diskusija je takođe uputilo na potrebu izgradnje kanalizacije u poslovnoj zoni, s obzirom na trenutno, nezadovoljavajuće stanje.

Općinski načelnik se u kratkim crtama osvrnuo na pozicije budžeta za 2018. godinu sa posebnim osvrtom na pozicije vezane za izgradnju infrastrukture i planirane pozicije za poticaj privrednim aktivnostima.

Osvrćući se na plan prihoda Općinski načelnik je istakao realnost u planiranju prihoda i izvršenja budžeta, te najavio zadržavanje nivoa postojećih taksi i drugih izdvajanja privrednika na sadašnjem nivou za koje smatra da su među najstimulativniji u okruženju.

Par diskutanata se takođe složilo da je trenutni nivo općinskih naknada i taksi prihvatljiv uz preporuku stalnog preispitivanja i iznalaženja novih olakšica i umanjenja naknada.

Općinski načelnik je takođe pomenuo i problematiku obrazovanja kadrova za potrebe tržišta rada, IT Challenge, inicijativu za pokretanje IT gimnazije, kretanja i podatke Zavoda za zapošljavanje o radnoj snazi, te najavio inicijativu organizacije lokalnog sajma u općini Maglaj.

Amir Alibajraktarević predlaže da se zaposle dva volontera koja će raditi konkretno posao u vezi Privrednog savjeta, koji poznaju strane jezike i koji bi im bili dostupni u kancelariji.

Saša Stanić podržava inicijativu za organizaciju lokalnog sajma i obavezuje se da za slijedeću sjednicu izvrši pripremu koncepta sajma.

Takođe se zalaže za što bržu uspostavu uslova za pokretanje start up—a u oblasti IT i dr.

Kao posebno poglavlje, Općinski načelnik je elaborirao odluku Općine Maglaj da se uključi u proces certifikacije, općina sa povoljnim poslovnim okruženjem – BFC.

Općinski načelnik je ukratko predstavio proces certifikacije.


Članovi privrednog savjeta su jednoglasno podržali ovu odluku i obećali podršku kako kroz privredni savjet tako i pojedinačno, kao privredni subjekti u okviru svojih mogućnosti.

Mirsad Mahmutagić se na kraju zahvalio prisutnim članovima na prisustvu i aktivnom učešću u radu te najavio u najskorije vrijeme održavanje nove sjednice Privrednog savjeta,

Završeno, 15:35 sati

Zapisničar

Arneta Tumbić



Predsjednik Privrednog savjeta

Mirsad Mahmutagić